

তারিখ
পৃষ্ঠা ৩ কলাম ৩

**মজিব হল ছাত্রদলের বস্ত্র বিতরণ
আবাসিক হলগুলো বৈধ ছাত্রদের
জন্য- বহিরাগতদের জন্য নয়**

-ডাঃ বিঃ ভিসি

বিশ্ববিদ্যালয় রিপোর্টার : শহীদ প্রেসিডেন্ট জিয়াউর রহমানের ৬৬তম জন্মবার্ষিকী উপলক্ষে ঢাকা বিশ্ববিদ্যালয়ের মজিব হল শাখা ছাত্রদলের উদ্যোগে দুইহাজারের মাঝে বস্ত্র বিতরণ কর্মসূচী অনুষ্ঠিত হয়। এ উপলক্ষে গত রবিবার রাতে আয়োজিত এক অনুষ্ঠানে ঢাকা বিশ্ববিদ্যালয়ের ভিসি প্রফেসর আনোয়ার উল্লাহ চৌধুরী বলেছেন, আবাসিক হলসমূহ বৈধ ছাত্রদের জন্য, বহিরাগতদের জন্য নয়। তিনি বলেন, বিশ্ববিদ্যালয়কে সন্ত্রাস ও বহিরাগতমুক্ত করতে প্রয়োজনীয় সকল পদক্ষেপ নেয়া হবে। ছাত্রদলের হল শাখার সহ-সভাপতি আমিনুল ইসলামের সভাপতিত্বে অনুষ্ঠানে প্রধান অতিথি হিসেবে বক্তব্য রাখেন স্থানীয় সরকার, পল্লী উন্নয়ন ও সমবায় উপমন্ত্রী এডভোকেট রুহুল কুদ্দুস ভাণ্ডারী। বিশেষ অতিথি হিসেবে ছিলেন বিশ্ববিদ্যালয়ের প্রো-ভিসি, প্রফেসর জেড এন তাহমিনা, ট্রেজারার প্রফেসর সৈয়দ রাশেদুল হাসান, হল এডভোকেট প্রফেসর গোলাম রহমান, আবাসিক শিক্ষক শাহজাহান মিয়া প্রমুখ। আরো বক্তব্য রাখেন শওকত, এবিএম শামসুজ্জামান, সাগর প্রমুখ। উপস্থিত ছিলেন ছাত্রদল নেতা বেনজীর আহমেদ টিটু, মোর্শেদ হাসান, মাসুদ রানা, মাহবুবুল কাওসার, তারেক, আক্তার, মাসুদ পারভেজ, মুসা, আকরাম হাসান, দেলোয়ার হোসেন আশুস সালাম প্রমুখ। প্রধান অতিথির বক্তব্যে এডভোকেট রুহুল কুদ্দুস ভাণ্ডারী বলেন, বর্তমান সরকারের সদিচ্ছার কারণে সন্ত্রাস নির্মূল হয়েছে। তিনি আশা প্রকাশ করে বলেন, দেশের শ্রেষ্ঠ সন্তান ঢাকা বিশ্ববিদ্যালয়ের ছাত্র-ছাত্রীরা সন্ত্রাস নির্মূলের ভূমিকা রেখে দেশকে এগিয়ে নিয়ে যাবে।